

Evening Dogri (NSD)

04-07-2025

1915 hrs

खबरां

1. प्रधानमंत्री होरें त्रिनिदाद ते टोबैगो च 6मीं पीढी दे भारती मूल दे नागरिकें गी ओ.सी.आई कार्ड दी घोषणा कीती। यू.पी.आई भुगतान प्रणाली अपनाने लेई कैरेबियन राष्ट्र गी बधाई दित्ती।
2. राष्ट्रपति द्रौपदी मुर्मू होरें नमी दिल्ली च डुरंड कप टूर्नामेंट 2025 दी ट्राफियें दा अनावरण कीता।
3. जम्मू-कश्मीर च जारी अमरनाथ जात्तरा सुचारू ढंग्गै कन्नै चला'रदी ऐ। 5 ज्हार 600 थमां मते श्रद्धालुएं पवित्र गुफा च बर्फू दे बने दे शिवलिंग दे दर्शन कीते।
4. अल्पसंख्यक मामलें दे मंत्री किरिन रिजिजू होरें आखेआ जे सरकार इक हफ्ते दे अंदर 2026 लेई हज दी दरखास्त मंजूर करना शुरू करी देग।
5. रूस-अफगानिस्तान च तालिबान सरकार गी मान्यता देने आहला पैहला राष्ट्र बनी गेआ।
6. भारती मौसम विभाग नै हिमाचल प्रदेश च कल थमां 8 जुलाई तगर भारी थमां मती भारी बरखा बरने दी पेशगोई कीती ऐ।

<><><><><><>

PM-Trinidad Topago

प्रधानमंत्री नरेन्द्र मोदी होरें अज्ज ऐलान कीता ऐ जे त्रिनिदाद ते टोबैगो च रवै करदे भारती मूल दे बसनीकें दी 6मीं पीढी, हून समुंदर पार आहले मुल्लें च रवै करदे भारती नागरिकें यानि ओवरसीज़ सिटिजन ऑफ इंडिया कार्डें लेई योग्य होई जाह्ग ते एह्दे राहें उ'नेंगी बिजन कुसै बंदश दे भारत च रौहने ते कम्म करने दी खुल्ल थ्होई सकोग। अज्ज बडुलै त्रिनिदाद ते टोबैगो च इक कार्यक्रमै दरान भाशण दिं'दे होई श्री मोदी होरें भारती समुदाय दे लोकें दा दिल बधाया जे ओहू अपने पुरखें दी धरतै दे दौरे पर औन ते भारत कन्नै अपने सरबंधें गी होर मजबूती देन। इस दरान मोदी होरें कैरेबियाई खित्ते च यूपीआई गी अपनाने आहला पैहला मुल्ल बनने पर त्रिनिदाद ते टोबैगो गी ममारखां दित्तिआं। उ'नें आखेआ जे

यूपीआई गी अपनाना, छद्म त्रिनिदाद ते टोबैगो लेई गै नेई सगुआं भारत लेई बी फायदेमंग होग। तोआई त्रिनिदाद ते टोबैगो दे प्रधानमंत्री कमला प्रसाद बिस्सेसर होरें ऐलान कीता ऐ जे श्री मोदी होरें गी कैरेबियाई मुल्लें दे सब्भनें शा उच्चे नागरिक सम्मान 'द ऑर्डर ऑफ त्रिनिदाद एंड टोबैगो' कन्नै सम्मानित कीता जाहगा।

<><><><><><>

PM-Visit

प्रधानमंत्री नरेन्द्र मोदी होर 5एं मुल्लें दी जात्तरा दे अगले चरण च अर्जेटीना जा'रदे न। श्री मोदी अर्जेटीना दे राष्ट्रपति जेवियर मिलेई हुं'दे साहे पर द'उं दिनें दी जात्तरा लेई उत्थे जा करदे न। भारत दे कुसै बी प्रधानमंत्री हुं'दी 57एं ब'रें परैन्त अर्जेटीना दी एहू पैहली यात्रा ऐ। उं'दी यात्रा दे दरान दौनें मुल्लें बश्कार सैह्योग ते कार्यनीतिक भागीदारी बधाने दे उपाएं पर चर्चा होग। लेटिन-अमरीका च, भारत लेई अर्जेन्टीना इक मुख् आर्थिक भ्याल मुख् ऐ। दौनें मुल्लें बश्कार बक्ख-बक्ख खेत्तरें च मजबूत सरबंध न जेह्दे पिच्छले दहाके दरान होर बी निगगर होए न। दौनें मुल्लें दे सरबंध ब'रे 2019 च सामरिक सांझ-भ्याली दे स्तरै तोह्डी पुजे ते हून दौने मुल्लें 2024 च अपने कूटनीतिक सरबंधें दे 75 ब'रें दा जश्र बी मनाया हा।

<><><><><><>

President

राष्ट्रपति द्रौपदी मुर्मू होरें अज्ज नमीं दिल्ली च डुरंड कप टूर्नामेंट 2025 दी ट्राफिं दा पर्दा गोआडेआ ते ओह्दी शुरूआत करोआई। सभा गी संबोधित करदे होई राष्ट्रपति होरें आखेआ जे खेड्डें च अनुशासन पक्का धेइया ते टीम भावना गी बढावा दित्ता जंदा ऐ। उनें इस गल्ला पर लौऽ पाई जे खेड्डें च लोकें क्षेत्रें ते मुल्लें गी जोडने दी अनौखी ताकत ऐ। राष्ट्रपति होरें इस गल्लै पर जोर दित्ता जे भारत च खेड्डू राष्ट्रीय एकीकरण लेई इक दमदार तरीककार ऐ। एशिया सारें शा पुराने फुटबाल टूर्नामेंअ डुरंड कप दा 2025 संस्करण 23 जुलाई थमां 23 अगस्त तगर पच्छिम बंगाल, असम, मणिपुर, मेघालय ते झारखंड सने 5एं भारती राज्यें दी 6 थाहरें पर होग।

<><><><><><>

HM-Pune

केंद्री गृह मंत्री अमित शाह होरें अज्ज पुणे दे राश्ट्रीय रक्षा अकादमी परिसर च पौराणिक मराठा योद्धा पेशवा बाजीराव दी घुडसवारी मूर्ति दा पर्दा गोआडेआ। इस मौके पर बोलदे होई अमित शाह होरें बाजीराव हुंदे मिसाल आहले नेतृत्व ते राश्ट्र दी सेवा पर लोऽ पांदे होई आखेआ जे वायु सेना, एन.डी.ए, सेना, नौसेना ते वायु सेना दे भविक्ख दे बहादुरें लेई सिखलाई आहली थाहर ऐ ते बाजीराव हुंदी मूर्त लेई सारे शा स्हेई जगह ऐ।



Amarnath-Yatra

कल औपचारिक तौरा पर शुरू होई दी सालाना 38एं दिनें दी श्री अमरनाथ जी दी जात्तरा दक्खन कश्मीर दे अनंतनाग जिले दे पहलगाम ते मध्य कश्मीर दे गांदरबल जिले दे बालटाल आहले दौनें रस्ते थमां सुचारू रूपै कन्नै चला करदी ऐं सख्त सुरक्षा बंदोबस्तें हेठ दौनें रस्ते थमां बडुलै मूंह न्हरे तीर्थ जात्रुएं दी जात्तरा शुरू होई। अज्ज बडुलै 3 ज्हार शा मते श्रद्धालुएं गी पहलगाम रस्ते पर चंदनबाडी आहली बक्खी जाने दी इजाजत दिती गेई। बालटाल गांदरबल आधार कैप थमां पवित्र गुफा बक्खी 7700 श्रद्धालुएं गी अगड़ा पवित्र गुफा च दर्शन लेई जाने दी अनुमति दिती गेई ऐ। अधिकारिं दस्सेआ जे दपैहरी 12 बजे तगर 5600 शा मते तीर्थ जात्रुएं पवित्र गुफा च भगवान शिव दे हिमरूप दे दर्शन कीते। उआं अज्ज बडुलै जम्मू दे भगवती नगर आधार शिविर थमां 291एं निक्किं-बडुिं गडुिं च पुरूष, महिलां, बच्चे, साधुएं दे जत्थे गी झंडी दस्सियै रवाना कीता गेआ।



1st -Batch Darshan

श्री अमरनाथ श्रद्धालुएं दा पहला जत्था, श्री अमरनाथें दी गुफा च भगवान शिवें दे हिमलिंगम रूप दे दर्शन करने परैन्त अपनी जात्तरा पूरी करियै अज्ज वापस आई गेआ ऐ। चुनौतिपूर्ण रस्ते लेई जानी जाने आहली इस आध्यात्मिक जात्तरा च इस बारी बी ज्हारां बद्धे श्रद्धालु हिस्सा लै करदे ना। जात्तरा करियै परतोए दे श्रद्धालुएं आखेआ ऐ जे उं'दा अनुभव बडा यादगार रेहा ऐ। तोआई प्रशासन नै बी जात्तरा गी बवस्थित ढंगै सिर करोआने लेई सुरक्षा सने होर दुए सभ्भै लोडचदे बंदोबस्त कीते दे ना। श्री अमरनाथ जी दी जात्तरा, पहलगाम ते बालटाल आहले दौनें रस्तेया बडे बवस्थित ढंगै सिर चलै करदी ऐ। इस सरबंधै च आकाशवाणी समाचार कन्नै गल्ल करदे होई किश श्रद्धालुएं अपना अनुभव किश इस चाल्ली सांझा कीता।

Rijju-Hajj Application

अल्पसंख्यक कार्य मंत्री किरिन रिज्जु होरें आखेआ ऐ जे सरकार इक हफ्ते च 2026 बरे लेई हज दरखास्तां मंजूर करना शुरू करी देग। अज्ज नमी दिल्ली च हज समीक्षा बैठक दे मगरा रिज्जु होरें सब्बे आवेदकें गी फार्म भरियै समा रौहंदे दरखास्त जमा कराने दी गुजारिश कीती।

<><><><><><>

Trump-Letters

अमरीकी राष्ट्रपति डोनाल्ड ट्रम्प होरें बक्ख-बक्ख मुल्खें गी चिट्ठियां पत्र भेजने दी योजना दा ऐलान कीता ऐ जेदे च उनेंगी टेरिफ देने होडन। इस मुद्दे पर टिप्पणी करदे होई अमरीकी राष्ट्रपति ट्रम्प होरें आखेआ जे एह चिट्ठियां अज्जै थमां गै जाना शुरू होई सकदियां न ते 9 जुलाई दी अखीरी तरीक गी अजें किश दिन गै बाकी न।

<><><><><><>

Shivraj-Farmers

करसानें दे प्रति केंद्र दी बचनबद्धता गी फी पक्का करदे होई केंद्री मंत्री शिवराज सिंह चौहान होरें अज्ज श्रीनगर दे स्कॉस्ट कश्मीर च केसर ते सेअऊ उत्पादें दे कन्नो-कन्नो वैज्ञानिक कन्नै गल्लबात कीती। कार्यक्रम दौरान उनें राई-बाई आहले खेत्तर च प्रमुख चुनौतियें पर चर्चा कीती ते राई-बाई उत्पादकता बधाने आस्तै अनुसंधान, नवाचार ते आधुनिक तकनीक दे महत्व पर लोऽ पाई। मंत्री होरें वैश्विक मानकें दे मताबक उच्च गुणवत्ता दे बी वितरण, फसलें दी किस्में च सुधार ते सेअऊ उत्पादन बधाने दी वकालत कीती। उनें जम्मू-कश्मीर च टिकाऊ ते मुनाफे आहली राई-बाई आस्तै करसानें गी पूरा समर्थन देने दा वायदा कीता।

<><><><><><>

Shivraj-SKUAST

एहदे शा पैहले केंद्री राई-बाई मंत्री होरें लेफ्टिनेंट गवर्नर मनोज सिन्हा ते मुखमंत्री उमर अब्दुल्ला हुंदे कन्नै स्कॉस्ट कश्मीर दे 6में दीक्षांत समारोह च हिस्सा लैता ते जम्मू-कश्मीर च बागवानी खेत्तर च बदलाव आहनने च स्कॉस्ट ज्जेह संस्थानें दी भूमिका दी सराहना कीती। कार्यक्रम च बोलदे होई केंद्री मंत्री होरें आखेआ जे सेअऊ दे उत्पादन गी बढ़ावा देने आस्तै घाटी च इक साफ-सुथरा संयंत्र केंद्र स्थापित कीता जाग। कार्यक्रम गी संबोधित करदे होई लेफ्टिनेंट गवर्नर मनोज सिन्हा होरें जम्मू-कश्मीर दिएं धीयें गी रूकावटां दूर करदे होई राई-

बाई विज्ञान ते प्रौद्योगिकी च उत्कृष्ट प्रदर्शन करने आस्ते ममारखां दित्तियां ते आखेआ जे उनेंगी उन्दे पर गर्व ऐ।



Russian-Taliban

रूस नै आखेआ ऐ जे उन्ने अफ़गानिस्तान दे नमें राजदूत दे परिचय-पत्र स्वीकार करी लैते न ते एह्दे कन्नै गै ओहू तालिबान सरकार गी मान्यता देने आह्ला पैह्ला मुल्ख बनी गेआ ऐ। इक बयान च, रूस दे विदेश मंत्रालय नै आखेआ ऐ जे उसी अफ़गानिस्तान कन्नै सरबंधत विकसित करने दिआं शैल संभावनां नजरी आवा करदिआं न ते ओहू सुरक्षा, आतंकवाद-रोधी ते नशीली दवाइएँ मतल्लक अपराधें कन्नै निब्बडने च काबुल दा समर्थन करना जारी रक्खोग। अफ़गानिस्तान दे विदेश मंत्री आमिर खान मुत्ताकी होरें इक बयान च आखेआ जे उं'दा मुल्ख रूस आसेआ पुट्टी गेदी इस दलेरी भरोची गैहू दी सराहना करदा ऐ ते कन्नै एहू मेद बी करदा ऐ जे एहू होरनें मुल्खें लेई बी इक मिसाल बनोग। कुसै होर मुल्ख नै औपचारिक रूप कन्नै तालिबान सरकार गी मान्यता नेई दित्ती ऐ जिसनै अगस्त 2021 च सत्ता पर कब्ज़ा करी लैता हा, जिसलै 20एँ ब'रें दी जंग दे बाद अमरीकी नेतृत्व आहली सेना नै अफ़गानिस्तान थमां वापसी कीती ही।



IMD

भारती मौसम विभाग नै अगले 7एँ दिनें दौरान उत्तर पच्छमी ते मध्य भारत च भारी बरखा आहले हालात बने रौहने दी गल्ल आक्खी ऐ। मौसम विभाग नै आखेआ ऐ जे 13 राज्यें लेई भारी बरखा दा ओरेंज अलर्ट जारी कीता गेआ ऐ जिंदे च राजस्थान, मध्य प्रदेश, महाराष्ट्र, ओडिशा, गोवा ते कर्नाटक शामिल ना।



HP-Weather

हिमाचल प्रदेश च मानसून दे चलदे बरखा रूकी-रूकियै पौना जारी ऐ। मौसम मैहकमे नै 5 थमां 8 जुलाई तगर राज्य दे मते सारे हिस्सें च भारी थमां मती भारी बरखा बरग। बढ़ल गरजने ते बिजली चमकने गी लेइयै सौहगा कीता ऐ। एह्दे महेनजर अगले 4 दिनें लेई ओरेंज अलर्ट जारी कीता गेआ ऐ।

HP-Weather

राज्य आपातकालीन अभियान केंद्र मताबक मानसून दी इस रूतै दौरान 69 लोकें दी अजें तगर मौत होई चुकी दी ऐ ते तकरीबन 37 लोक अजें बी लापता ना। पूरे हिमाचल प्रदेश च कई थाहरें पर बरखा दी रफ्तार च हालांके किश कमी आई ऐ पर मौसम विभाग नै खबरदार करदे होई अगले किश दिनें च मानसून दी गतिविधि च इजाफा होने दी मेद दस्सी ऐ जेदे चलदे जिमीं खिसकने, रूख-बूहटे टौहने ते नदिये-नालें दे जलस्तर च बाद्दा होई सकदा ऐ। मुखमंत्रि सुखविंद्र सिंह सुख्बु होरें सब्बनें अधिकारिएं गी राज्य च राहत ते बचाऽ कम्म तेज करने लेई आखेआ। सोशल मीडिया पोस्ट च श्री अमित शाह होरें आखेआ जे जरूरतमंद लोकें लेई राज्य च एन.डी.आर.एफ दी पर्याप्त गिनतरी च टीमें गी तैनात कीता गेआ ऐ। उनें मुखमंत्रिएं गी केंद्र सरकार थमां हर मुमकन मदद दा बी भरोसा दित्ता।



LG-Battal Base Camp

लेफ्टिनेंट गवर्नर मनोज सिन्हा होरें अज्ज बालटाल आधार शिविर च जात्तरी निवास ते ओ.एन.जी.सी समर्थित आपदा प्रबंधन केंद्र दा उद्घाटन कीता। इनें नमियें सुविधाएं गी जात्तरा दे दौरान लक्खां बहे तीर्थ जात्रियें दी जरूरतें आस्तै बनाया गेआ ऐ। आपदा प्रबंधन केंद्र आपदा त्त्यारी ते जवाबी कार्रवाई च सुधार करियै बरे भर मुकामी बसनीकें दी सेवा करोग। एह पैहल तीर्थ जात्रियें दी सुरक्षा ते लोक कल्याण दे प्रति सरकार दे समर्पण गी रेखांकित करदी ऐ। उद्घाटन दे मौके पर विधायक कंगन, मियां मेहर अली बी हाजिर हे।



Cricket

क्रिकेट च इंग्लैंड नै दुए टेस्ट मैच दे अज्ज त्रीए ध्याडे 60एं ओवरें च 5एं विकेटें दे नुकसान पर 301 रन्ज बनाई लैते दे ना। एहदे थमां पेहले भारत नै कल इंग्लैंड खलाफ पैहली पारी च 587एं रन्जें दा बड्डा स्कोर खड्डा कीता। इंग्लैंड दी टीम 5एं मैचें दी श्रृंखला च 1-0 कन्नै अगगे ऐ।

